

" মিষ্টি বাচ্চারা - এই দুনিয়ায় নিষ্কাম সেবা একমাত্র বাবাই করেন , বাকি তোমরা ,যে কর্ম করো তার ফল অবশ্যই পেয়ে যাও "

প্রশ্ন :- ড্রামা অনুসারে কোন্ কথা একশো ভাগই নিশ্চিত ,যে কথায় তোমরা বাচ্চারা খুশি হও?

উত্তর :- ড্রামা অনুসারে এটা একেবারে নিশ্চিত যে নতুন রাজধানী স্থাপন হবেই হবে । তোমাদের বাচ্চাদের খুশি এই কারণে হয় যে , শ্রীমতের পথে চলে আমরা আমাদের জন্য নতুন রাজধানী স্থাপন করছি । এই পুরানো দুনিয়ার বিনাশ তো অবশ্যই হবে । তোমরা বাচ্চারা যেমন পুরুষার্থ করবে তেমনই তোমাদের উচ্চ পদ প্রাপ্তি হবে ।

গীত:- তোমাকে পেয়ে আমরা সব কিছু পেয়ে গেছি.. (তুম্হ পা কে হমনে জাহাঁ পা লিয়া হ্যাঁয়)

ওম্ শান্তি । যা বাচ্চারা বলে , বাবাও তাই বলেন । বাচ্চারা বলে বাবা তোমাকে পেয়ে আমরা স্বর্গের মালিক হই । বাবাও বলেন বাচ্চারা মনমনাভব - নিজেকে আত্মা নিশ্চয় করে আমাকে স্মরণ করো । তোমাদের আর আমার কথা তো একই হলো তাই -না ! সব মানুষই জিজ্ঞেস করবে ব্রহ্মাকুমার - কুমারীরা এই সত্সঙ্গে গিয়ে কি পায় ? তখন ব্রহ্মাকুমার -কুমারীরা বলে আমরা বাপদাদার থেকে বিশ্বের মালিকানা পাই । বিশ্বের মালিক আর অন্য কেউ হতে পারবেনা । বিশ্বের মালিক এই লক্ষ্মী -নারায়ণই হবে , শিববাবা তো আর বিশ্বের মালিক হতে পারেননা । তোমরা বাচ্চারাই বিশ্বের মালিক হও । তোমাদের বাবা বিশ্বের মালিক হননা । এরকম নিষ্কাম সেবাধারী আর হয়না । প্রত্যেকে নিজের নিজের সেবার ফল অবশ্যই পাও । ভক্তিমাৰ্গে বা কোনও প্রকারে কেউ কিছু করলেএমনকি সমাজ -সেবকরাও সেবার ফল অবশ্যই পায় । সরকার থেকে বেতন পায় । বাবা বলেন - আমিই একমাত্র নিষ্কাম সেবা করি যে সেবায় বাচ্চাদের বিশ্বের মালিক বানাই কিন্তু নিজে কোনও মালিকানা ভোগ করিনা । বাচ্চাদের সুখী করে , সুখধামের মালিক বানিয়ে , ২১ জন্মের সুখ নিশ্চিত করে নিজের নির্বাণধামে ফিরে যাই , যেমন প্রৌঢ় বয়সে মানুষ বাণপ্রস্থে যায় সবকিছু ত্যাগ করে , আমিও বিশ্বের মালিকানা তোমাদের বাচ্চাদের হাতে তুলে দিয়ে চলে যাই বিশ্রাম নিতে পরমধামে-মূল বতনে । মানুষ তার যাবতীয় যা কিছু সব দান করে বাণপ্রস্থে যায় , সত্ সঙ্গ ইত্যাদি করে । গুরু প্রভৃতি অবলম্বন করে যাতে এই গুরু মুক্তির রাস্তা বলে দিতে পারে । এখন তোমরা বাচ্চারা জেনে গেছ যে মুক্তি আর জীবনমুক্তির উপায় কোনও মানুষমাতেই কখনও কাউকে বলতে পারেনা । ওরা কাউকে সদ্ গতি দিতে পারেনা । নিজেরও করতে পারেনা । নিজের করতে পারলে তখন অন্যেরও সদ্ গতি করতে পারবে । বাবা আসেনই পরমধাম থেকে । উঁনি ওখানকার অধিবাসী , তোমরা- বাচ্চারাও পরমধাম নিবাসী । তোমাদের ভূমিকা পালন করতে হবে এই কর্মক্ষেত্রে । বাবাকেও একবার এখানে আসতে হয় তোমাদের -বাচ্চাদের জন্য কেননা স্বর্গ স্থাপনা যখন হচ্ছে তখন নরক তো অবশ্যই বিনাশ হবে । এখন তোমরা জেনেছ যে , শিববাবা ব্রহ্মা দ্বারা আদি সনাতন দেবী -দেবতা ধর্মের স্থাপনা করছেন । তোমরা জানো আমরা আবারও মানুষ থেকে দেবতা হচ্ছি । তোমরা -বাচ্চারা বুদ্ধি দিয়ে এখন বুঝতে পারছ যে প্রত্যেক ৫ হাজার বছর অন্তর

এসে আমরা আবার নতুন করে ব্রহ্মা দ্বারা শিববাবার বাচ্চা হয়ে জ্ঞানযোগের বল দ্বারা সত্যযুগের প্রাপ্তি বিশ্বের রাজ্যাধিকার পাই। পতিত-পাবন ঔনাকেই বলা হয়। জ্ঞানসম্পন্ন জ্ঞানের সাগরও তিনি যোগ অর্থাৎ স্মরণ কিভাবে করতে হবে শিখিয়ে দেন কিন্তু নিরাকার কিভাবে বোঝাবেন! এইজন্য তিনি বলেন - ব্রহ্মা-তনে প্রবেশ করে তার দ্বারা মানুষ থেকে দেবতা তৈরী করি অর্থাৎ দেবী -দেবতা ধর্মের স্থাপনা করাই। এখন সেই ধর্ম বর্তমান নয়, আবার নির্মাণ করতে হবে। এখন নতুন করে আদি সনাতন দেবী -দেবতা ধর্ম স্থাপন করে বাকি সবাইকে মুক্তি ধামে নিয়ে যাই। ভারতবর্ষ প্রাচীন দেশ এইজন্য ভারতের আদমশুমারি (জনসংখ্যাগণনা) বাস্তবে অনেক বেশীই হওয়া উচিত। এরকম একটা বিষয় অন্য কারও বুদ্ধিতে আসেনা। আদি সনাতন দেবী -দেবতা ধর্ম সর্বাপেক্ষা বড় হওয়া উচিত। পাঁচ হাজার বছর ধরে ভারতবাসীই সংখ্যায় বৃদ্ধি পেয়ে যাচ্ছে। অন্য সকলে তো আসেই ২৫০০ বছর পরে। ইসলাম ধর্মাবলম্বীদের জনসংখ্যা কম হওয়া উচিত, এরপরই এসে যায় বৌদ্ধধর্ম এবং এদের সাথেও জনসংখ্যার অল্পবিস্তর তফাত হওয়া উচিত। ইসলাম, বৌদ্ধ প্রভৃতি প্রারম্ভে সতঃপ্রধান হয় পরে ধীরে ধীরে তমোপ্রধান হতে থাকে। এই হিসেবও সৃষ্টি চক্রে আবদ্ধ। যে বাচ্চার উপলব্ধি করতে সক্ষম তাদেরই খেয়াল রাখতে হবে। আজকাল লেখা হয় চাইনিজরা সংখ্যায় সবচেয়ে বেশী। কিন্তু ওদের তো সৃষ্টিচক্রের জ্ঞান নেই। সৃষ্টিচক্রের সমস্ত রহস্য তোমাদের - বাচ্চাদের বুদ্ধিতে আছে। যারা শিক্ষিত তাদেরই সবিস্তারে বোঝাতে হয়। দেবী -দেবতা ধর্মের পাঁচ হাজার বছর সম্পূর্ণ প্রায়। তাই এই সময়ে তাদেরই সংখ্যা বেশী হওয়া উচিত। কিন্তু দেবী -দেবতা ধর্ম থেকে আবার অন্যান্য ধর্মেও অনেকে পরিবর্তিত হয়েছে। প্রথমদিকে অনেকে মুসলমান হয়ে গেছে আবার বৌদ্ধও হয়েছে অনেকে। এখানে বৌদ্ধ অনেক আছে, আর খ্রিস্টিয়ানও আছে অগুনতি। দেবতা ধর্মের তো কোনও নিশানই নেই। যদি আমরা ব্রাহ্মণ ধর্মের কথা বলি সেও যেন হিন্দুদেরই বোঝানো হয়। এখন তোমরা জানো যে আদি সনাতন দেবী -দেবতা ধর্ম স্থাপন হতে চলেছে - আমাদের-ব্রাহ্মণদের দ্বারা শ্রীমতের অনুসরণে। এটাও বুঝতে বুদ্ধি চাই। ধর্মের কথা অনেক বড় বড় করে বলা হয় তাই -না। এখানকার মানুষ নিজেকে হিন্দু বলেই প্রতিষ্ঠিত করে। বলে - হিন্দু হলো আর্য ধর্ম, সবচেয়ে পুরানো। ভারতবাসী প্রথমদিকে আর্যই ছিল, সম্পদশালী ছিল, এখন অনার্য হয়ে গেছে। কোনও বুদ্ধিমত্তার পরিচয় রাখেনা। যে যেরকমভাবে পারে সে ধর্মের নাম সেভাবে রেখে দেয়। প্রথমদিককার ধর্মস্থাপকেরা নিজ নিজ নামে ধর্মের স্থাপনা করেছিল, ধীরে ধীরে তাদের পরে পরেই অনেক ছোট ছোট ধর্মের প্রচলন হলেও সেসব ধর্মের নাম আজ আর কেউ স্মরণ করতে পারেনা। আগের ধর্মগুলোই স্থায়ী হয়েছে এবং খ্যাতি লাভ করেছে। তোমরা এখন বুঝতে পারছ আমরা বাবার থেকে স্বর্গরাজ্য লাভ করতে চলেছি। এই পবিত্র - স্বচ্ছতার অধিকার যে বাবা দিচ্ছেন তাঁকে কতটা স্মরণ করা উচিত! তোমরা যত বেশী স্মরণ করবে এক তো বরসা পাবে আর তোমরা পবিত্রও হয়ে যাবে। লৌকিক বাবার থেকে ধন - সম্পত্তির অধিকার যেমন পাওয়া যায় তেমনই পতিত হওয়ার দায়ও নিতে হয় কেননা লৌকিক যা কিছু সবই পতিত হয়ে গেছে। উনি লৌকিক বাবা, উনি পারলৌকিক বাবা আর ইনি মাঝে অলৌকিক বাবা। এনাকে দু'তরফের সাথে জুড়ে দেওয়া হয়। শিববাবার তো কোনও অসুবিধে হয়না, এনাকে অনেক গাল-মন্দ শুনে প্রতিকূল পরিস্থিতির মধ্যে দিয়ে চলতে হয়। পরে ইনিই যখন বাস্তব জগতে শ্রীকৃষ্ণ রূপে পদার্পণ করেন তখন আর কোনও মন্দ কথা তাঁকে শুনতে হয়না। ইনি মাঝখানে থেকে গাল -মন্দের শিকার হন। যেমন কথায় বলেনা যে - রাস্তা চলতে ব্রাহ্মণ ফাঁসা (রাস্তায় চলতে গিয়ে ব্রাহ্মণ ফেসেছে)। অলৌকিক বাবাকেই সব সহন করতে হয়। এটা কারোরই জানা নেই যে শিববাবা এসে এনার মধ্যে প্রবেশ করে পতিতকে পবিত্র বানান। পবিত্রতা ধারণ

করার পর এনাকে নানাবিধ অপমান সহ্য করতে হয়। বাবা বলেন - আমি এসেছি সবাইকে পবিত্র বানিয়ে ফেরত নিয়ে যেতে। তোমরা জানো যে মৃত্যু সামনে উপস্থিত। বিনাশের তো অবশ্যই প্রয়োজন আছে। বিনাশ ছাড়া সুখ -শান্তি কিভাবে আসবে। যখন কোনও লড়াই ইত্যাদি শুরু হয় তখন মানুষ যন্তু প্রভৃতি করে যাতে লড়াই বন্ধ হয়ে যায়। তোমরা ব্রাহ্মণ কুলভূষণ জেনেছ বিনাশ অবশ্যজ্ঞাবী। তা' না -হলে স্বর্গের ফটক (দরজা) কিভাবে খুলবে! সবই তো স্বর্গে আসবে না। যারা পুরুষার্থ করবে তারাই যাবে বাকি সবাই যাবে মুক্তিধামে। এসব না জানার কারণে সবাই কত ভয় পায়। শান্তির জন্য কত মন্দিরে গিয়ে, গুরুকে ধরে এদিকে -ওদিকে ঠোঁক্কর খায়। কত সভা -সমিতি করতে থাকে। শুধু তোমরা ব্রাহ্মণরা জানো কিভাবে সুখধাম, শান্তিধামের স্থাপনা হচ্ছে। বিনাশ ব্যতীত স্থাপনা সম্ভব নয়। তোমরা এখন ত্রিকালদর্শী হয়েছ। জ্ঞানের তৃতীয় নয়ন পেয়ে গেছ। ওরা তো কেবলই বলে শান্তি কিভাবে হয়? অর্থাৎ কেউই লড়াই করেনি। সবাই বলে একদ্ব হোক। এক -বাবার মত নিয়ে আমরা সবাই এক -বাবার সন্তান ভ্রাতৃস্বের ভাব বজায় রাখলেই তো সমদ্ব এসে যাবে। এক বাবার বাচ্চা হলে তো নিজেদের মধ্যে লড়াই -ঝগড়া হওয়া উচিত নয়। এরকম তো সত্যযুগেই ছিল। ওখানে কেউ নিজেদের মধ্যে লড়াই করেনা। ওটা তো সত্যযুগের কথা হয়ে গেল কিন্তু এখানে তো কলিযুগ। প্রথম থেকেই সত্যযুগে দেবতা ছিল। ওখানে সুখ -শান্তি সব ছিল। এসব কথা তোমাদের বুদ্ধিতেই আছে - শ্রেষ্ঠ পুরুষার্থ অনুযায়ী। তোমরা বুঝেছ যে - বরাবর আমরাই সত্যযুগে রাজত্ব করেছি, কোনও সুখের অভাব ছিলনা। অদ্বৈত ধর্ম ছিল। এই জ্ঞান সবার নেই। এই সময় তোমরা জ্ঞানসম্পন্ন হও। বাবা তোমাদের নিজের সমান তৈরি করেন। বাবার যেমন মহিমা তোমাদেরও সেরকমই হতে হবে। শুধু দিব্যদৃষ্টির চাবি বাবার কাছে থাকে। বাবা বলেছেন - ভক্তিমার্গে আমাকে কাজ করতে হয়, যে যারই পূজা করুক না কেন তার মনোকামনা আমি পূরন করে দিই। এখানেও দিব্য দৃষ্টির পার্ট চলে। বলা হয় যে অর্জুন বিনাশের সাক্ষাত্কার করেছে। বিনাশ তো অবশ্যই হবে। বিষ্ণুপুরীও নিশ্চয়ই স্থাপন হবে। বাবা যেমন কল্প পূর্বে বুঝিয়েছিলেন - এখন আবার ওইভাবে বোঝাচ্ছেন। বাবা আমাদের মানুষ থেকে দেবতা বানান। যখন আমরা দেবতাস্বরূপে অবতরিত হই তখন আসুরিক সৃষ্টির বিনাশ তো হতেই হবে। চারিদিকে হাহাকার পরে যাবে। বুদ্ধির দ্বারা বুঝতে পারো যে চরম প্রাকৃতিক দুর্যোগ আসবে। মুসলধারে বৃষ্টিপাতও হবে। পুরানো এই দুনিয়ার সব কিছু বিনাশ হলে তখনই সত্যযুগের স্থাপনা হবে। পাঁচ তত্ত্বের এই শরীরও বিলীন হয়ে যাবে। ধরিত্রীর সবকিছুই মাটির সাথে মিলিয়ে যাবে। বাবা বলেন - এই রুদ্র জ্ঞান যজ্ঞতে সব স্বাহা হয়ে যাবে। ভক্তি মার্গে দেখ রুদ্র যজ্ঞ কিভাবে রচিত হচ্ছে। শিবলিঙ্গ আর ছোট ছোট অনেক সালিগ্রাম বানিয়ে পূজো করে ভেঙে ফেলে, আবার নতুন করে বানায়। আবার পূজো করে ভেঙে দেয়। শিববাবার সাথে যারা সেবা করেছে তাদেরও এরা এই একই হাল করেছে। প্রত্যেক বছর রাবনের কুশপুতলিকা বানিয়ে জ্বালানো হয়। এমনকি কোনও শত্রুরও এক -দু'বার কুশপুতলিকা বানিয়ে জ্বালিয়ে দেয়, তবে বছর বছর জ্বালানোর কোন নিয়ম নেই। একেবারে সব রাগ বার করে দেয়। রাবণেরটা নিয়ম করে প্রতি বছর জ্বালানো হয়। এর অর্থ আদৌ কি সবাই বুঝতে পারে! আবার বলে রাবন সীতাকে হরণ করেছে, কোনও অর্থই বুঝতে পারেনা। যারা শিববাবার জ্ঞান পায়নি তারা আর কি বুঝবে! কিছুই না। দিন -দিন রাবনকে বড় করে বানাচ্ছে কারন রাবন অনেক দুঃখ দেয়। এখন তোমরা রাবনের ওপরে বিজয় প্রাপ্ত করেছ। সত্যযুগে এসব হয়ই না। এখানে যে কর্মফলের ভোগস্বরূপ রোগ ইত্যাদি যা হয়, তা রাবণের কারনেই হয়। বিকাররূপী রাবনের বশ্যতা স্বীকার করার কারনেই মানুষ যা কর্ম করে তা বিকর্ম হয়ে যায়। ড্রামাতে পূর্ব পরিকল্পিত রূপে সাজানো আছে এই

সুখ -দুঃখের খেলা । আদি , মধ্য , অন্তের ইতি-বৃত্তান্ত কারও জানা নেই । লক্ষ্মী -নারায়ণের এই রাজ্য কিভাবে প্রাপ্ত হয়েছে তাও কেউ জানেনা । তোমরা ছোট ছোট বাচ্চারা বুঝিয়ে দাও - এই লক্ষ্মী -নারায়ণ সত্যযুগে রাজত্ব করত । সপ্তমে এঁরা রাজযোগ শিখে এই পদ প্রাপ্তি করেছেন। বিড়লাকেও ছোট ছোট বাচ্চারা গিয়ে বোঝাতে পারো যে , এনারা কিভাবে এই রাজ্য পেয়েছেন ! এখন তো কলিযুগ , সত্যযুগ তো বলা যায়না । এখন সেই রাজত্বও নেই রাজমুকুটও নেই । শুধু চারটে ধর্ম শাস্ত্রই আছে । গীতা ধর্মশাস্ত্র , যার থেকে তিন ধর্ম - ব্রাহ্মণ ধর্ম , দেবী - দেবতা ধর্ম এবং ঋত্রিয় ধর্ম এখন স্থাপন হচ্ছে , সত্যযুগে নয় । এরকম কখনও নয় যে লক্ষ্মী - নারায়ণ বা রাম কোনও ধর্ম স্থাপন করেছে । এই তিন ধর্মের স্থাপনা এখন হচ্ছে পরে পরে ইসলামিক , বৌদ্ধ এবং খ্রিস্টিয়ানিটি এই সব ধর্মের প্রবর্তন হবে । খ্রিস্টিয়ানদের বাইবেলই একমাত্র ধর্মগ্রন্থ । এরপরে ধীরে ধীরে খ্রিস্টিয়ানদের সংখ্যা বৃদ্ধি পেতে থাকে । দেবতা ধর্মই আদি সনাতন ধর্ম , এখন আবার নতুন করে দেবী -দেবতা ধর্ম স্থাপন করা হচ্ছে । তোমরা ড্রামার রহস্য ভালো ভাবে বুঝে গেছ । তোমরা খুশিও থাকো এই কারনে যে, তোমাদের -বাচ্চাদের একশো ভাগের একশো ভাগই নিশ্চয়তা আছে আমরা নতুন করে আবার রাজ্য -ভাগ্য স্থাপন করছি - এতে কোনও লড়াই-এর কথা নেই । রাজধানী স্থাপন হচ্ছেই - এটা নিশ্চিত । সেখানে যথাসময়ে যথা-নির্দিষ্ট মৃত্যু হবে । তোমরা জেনেছ আমরা আবার রাজ্য ভাগ্য লাভ করি । প্রতি কল্পে আমরা বাবার থেকে স্বর্গ রাজ্যের অধিকার প্রাপ্ত হই । যতখানি পুরুষার্থ করা যাবে পদও ততখানিই উচ্চ পাওয়া যাবে । আচ্ছা -

মিষ্টি -মিষ্টি সিকিলধে(হারানিধি) বাচ্চাদের প্রতি মাতা -পিতা , বাপদাদার স্মরণ -স্নেহ আর সুপ্রভাত । রুহানি বাবার (পরমাত্মা পরমপিতা) রুহানি বাচ্চাদের (আত্মাদের) নমস্কার ।

ধরনার জন্য মুখ্য সার :-

১) বাবার যেমন মহিমা ঠিক তেমনই মহিমা নিজের মধ্যে ধারণ করতে হবে । বাবা - সমান মহিমার যোগ্য হতে হবে । পারলৌকিক বাবার থেকে পবিত্রতার বর্ষা নিতে হবে ।

২) বাবার শ্রীমত অনুসরণে নিজের তন ,মন , এবং ধনের দ্বারা এক আদি সনাতন দেবী -দেবতা ধর্মের স্থাপনা করতে হবে ।

বরদান :- অটুট কানেকশন দ্বারা কারেন্টের অনুভবকারী মায়াজিত্ ভব (হও)!

যেরকম তড়িত শক্তির সম্ভার (প্রচন্ড ধাক্কা) মানুষ দূরে ছিটকে পড়ে , সেরকমই ঈশ্বরীয় শক্তি মায়াকে দূরে ফেলে দেয় , এরকমই কারেন্ট হওয়া উচিত কিন্তু কারেন্টের আধার হল কানেকশন । চলতে -ফিরতে প্রত্যেক মূহর্ত বাবার সাথে কানেকশন জুড়ে রাখতে হবে । এরকম অটুট জোড়বন্ধন হলে তবেই কারেন্ট আসবে আর মায়াজিত্ , বিজয়ী হয়ে যাবে ।

স্লোগান :- তপস্বী সে -ই হয় যে ভালো -মন্দ কর্ম যারা করে তাদের প্রভাবের বন্ধন থেকে মুক্ত থাকে ।